



Broj: 09-20-11-2-1671

Dana: 28.09.2020. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2020. godini, zamjenik direktora Federalne uprave policije d o n o s i :

ODLUKU

o poništavanju postupka Javne nabavke policijskih uniformi i dijelova uniformi za Specijalnu policijsku jedinicu

I

Na osnovu Obavještenja o nabavci broj: 1412-1-1-176-3-79/20 od 13.08.2020.godine i Ispravke obavještenja o nabavci broj: 1412-1-1-176-8-82/20 od 31.08.2020. godine, koje su objavljene u Službenom glasniku BiH broj: 52. dana 21.08.2020. godine, odnosno u Službenom glasniku BiH broj 55. dana 04.09.2020. godine, do naznačenog krajnjeg roka za dostavljanje ponuda u otvorenom postupku Javne nabavke policijskih uniformi i dijelova uniformi za Specijalnu policijsku jedinicu, svoje ponude su dostavili ponuđači KM TRADE d.o.o. Visoko i DANIAL'S d.o.o. Tešanj.

Komisija je konstatovala da ponude ponuđača KM TRADE d.o.o. Visoko i DANIAL'S d.o.o. Tešanj ne ispunjavaju formalno- pravne uslove za razmatranje istih, te je s tim u vezi predložila poništavanje postupka javne nabavke.

II

Cijeneći prijedlog Komisije, zamjenik direktor Federalne uprave policije donosi Odluku kao u dispozitivu i ista stupa na snagu danom donošenja.

III

Za izvršenje Odluke zadužuje se Sektor za materijalno- finansijske poslove.

OBRAZLOŽENJE

Federalna uprava policije je provela otvoreni postupak Javne nabavke policijskih uniformi i dijelova uniformi za Specijalnu policijsku jedinicu, po Obavještenju o javnoj nabavci broj: 1412-1-1-176-3-79/20 od 13.08.2020.godine i Ispravke obavještenja o nabavci broj: 1412-1-1-176-8-82/20 od 31.08.2020. godine, koje su objavljene u Službenom glasniku BiH broj: 52. dana 21.08.2020. godine, odnosno u Službenom glasniku BiH broj 55. dana 04.09.2020. godine. Komisija za provođenje otvorenih postupaka nabavke za 2020. godinu, imenovana Rješenjem zamjenika direktora Federalne uprave policije broj: 09-19/1-30-2-111 od 13.02.2020. godine, je utvrdila da su do naznačenog krajnjeg roka za dostavljanje ponuda u otvorenom postupku Javne nabavke policijskih uniformi i dijelova uniformi za Specijalnu policijsku jedinicu svoje ponude dostavili ponuđači KM TRADE d.o.o. Visoko i DANIAL'S d.o.o. Tešanj. Uvidom Komisije u dostavljenu ponude, utvrđeno je da naprijed navedeni ponuđači ne zadovoljavaju formalno- pravne uslove za razmatranje i vrednovanje istih ponuda.

Naime, Komisija je utvrdila da ponuđač KM TRADE d.o.o. Visoko nije dostavio uz svoju ponudu uzorke tražene tenderskom dokumentacijom, dok je uvidom u ponudu ponuđača DANIAL'S d.o.o. Tešanj utvrđeno da Izvještaj laboratorijske analize Euro inspekt d.o.o. Sarajevo broj: 2296-2/20 od dana 15.09. 2020. godine (vrsta uzorka: tkanina za taktičku, noćno- kamuflačnu uniformu- košulja dugi rukav, jakna, hlače, kombinezon i kačket) i Izvještaj laboratorijske analize Euro inspekt d.o.o. Sarajevo broj: 2296-4/20 od dana 15.09. 2020. godine (vrsta uzorka: pletenina za masku za zaštitu identiteta) ne sadrže izjavu o usklađenosti (ista dostavljena prazna).

S tim u vezi, a shodno članu 69. stav 2 tačka d) Zakona o javnim nabavkama BiH (Prestanak postupka javne nabavke), Komisija je predložila u svom Zapisniku broj: 09-20-11-2-1671 od 21.09.2020. godine donošenje Odluke o poništavanju postupka javne nabavke, u skladu sa članom 70. navedenog zakona.

Pravna pouka: Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.



Dostaviti:

- Sektor za mat. fin. poslove
- ponuđačima
- u spis